

玄德長齋月正月三月五月七月九月十一月一年六月月皆用奇因陽之盛連陰之功
功屬各有日一月五十五辰一八十四五十八
八二十三二十四二十八二十九三十日
第六科曰齋讀經戒諸練誦習講說宣明日
求妙解解必行之勿犯所解犯即懺謝不可
重為行生存文不得怠忘若隱閉自知欺罔
人物不戒成敗癩疥疑厭問嫉勝漫瀾詭
辯或虛解詐知嘖嘖誤眾破壞文句增減篇
章妄造邪議苟生異端違真越正皆致深殃
第七科曰宣揚經戒建德立功濟人成已勸
化為上執正開通无生矯假方便利益須智
慧才未深達不可輕行非方便便使入安
言但依實言引導同心俱歸師門看經讀戒
證明妙理起發善心使預齋觀化令聞見福
緣歡喜相順和而成功不得呵責忿激增怒
譬喻誘進弗可強牽將護節量剛柔取衷一
與奪種種潤之確迷不轉及於勿恠慈悲无
已不生棄心得善知識普俱登玄貴師愛資
克果上真

第八科曰師懲弟子平等一心无所偏頗賞
罰必明罰以止惡賞以勸善纖毫无遺沛不
勿認認偏被災凶顯重考

第九科曰弟子恭慎事師无二寡動少言沉
懿靜篤伺候師顏諂稟妙訣忌樹効績輔讚
三寶專心竭力奉命使行水火不避遠近弗
辭疑即啓審許革則悛不許仍從有殞无避
師試弟子令其心堅登道入真階級優劣使
其識悟日分所之督勵彌精克弘至道凡師
威神薄不可妄試人聖明之師試无損敗吉
凶逆順一隨明師若違惡師法无惡惡由已
招死不得怨正應自責改往修來若猶豫疑
師不宜奉事事則順從不得違逆則失道
永嬰塗炭明各慎始勉勵令終
右九科九官真人申明此要十方已得道无
量大聖衆咸共遵行拯度一切

洞真太上太霄琅書卷之五

洞真太上太霄琅書卷之六
齋戒要訣
左

為同義救厄疾謝罪請福齋出官訣第十六
師徒長齋无事不解有人告急皆啟解齋人
來及往皆依科制三元出官常所施用貴賤
疾厄公私非常悉備壇堂及得密室或在閑
庭或就山水白日夜半隨時量宜唯貴清淨
不雨不風不寒不熱不喧不驚或積風雨時
應熱寒不得避之要存隱寂壇庭立幕門門
周席經座香檠然燭連燈三十二人出嗽呪
一如常法出官異於三元今書立成為主如
左出官儀
謹出臣其妾等身中无為直齋左右功曹各
百二十人出
无為輝神太初直齋功曹百二十人出
无為太極直齋功曹百二十人出
无為太素直齋功曹百二十人出
高上玉清元皇直齋功曹百二十人出
无極玉清玄上直齋功曹百二十人出
无極太清三十六直齋功曹百二十人出

高上玉清洞虛直齋功曹百二十人出
 玉清紫虛南上直齋功曹百二十人出
 玉清虛明直齋功曹百二十人出
 无上太真直齋功曹百二十人出
 玄虛洞寶君直齋功曹百二十人出
 无上正平君直齋功曹百二十人出
 无上太平君直齋功曹百二十人出
 无上正真君直齋功曹百二十人出
 无上明威君直齋功曹百二十人出
 紫清北玄君直齋功曹百二十人出
 无為揮神執整直齋功曹百二十人出
 紫清南朱直齋功曹百二十人出
 无為度世直齋功曹百二十人出
 紫清西華直齋功曹百二十人出
 无極太虛直齋功曹百二十人出
 紫清東明高上直齋功曹百二十人出
 无為安國直齋功曹百二十人出
 紫清中元皇道直齋功曹百二十人出
 无為安民直齋功曹百二十人出
 紫清五靈直齋功曹百二十人出

紫清三元直齋功曹百二十人出
 玉清大洞直齋功曹百二十人出
 高洞四極直齋功曹百二十人出
 玉清玄洞直齋功曹百二十人出
 玉清洞真直齋功曹百二十人出
 玉清太帝直齋功曹百二十人出
 高洞上中黃直齋功曹百二十人出
 上清王晨大道直齋功曹百二十人出
 高上紫暎直齋功曹百二十人出
 上清洞玄靈寶直齋功曹百二十人出
 上清洞真天寶直齋功曹百二十人出
 上清洞神神寶直齋功曹百二十人出
 上清高虛君直齋功曹百二十人出
 上清太微天帝君直齋功曹百二十人出
 无上黃老直齋功曹百二十人出
 太上太一北君直齋功曹百二十人出
 太一北君洞玄監齋功曹百二十人出
 洞天三皇上帝直齋功曹百二十人出
 上清九道高元直齋功曹百二十人出
 上清八素直齋功曹百二十人出

上清龜臺元靈三母直齋功曹百二十人出
 无上五老直齋功曹百二十人出
 上清飛神中央黃老直齋功曹百二十人出
 无上九老仙都直齋功曹百二十人出
 上清東霞扶桑直齋功曹百二十人出
 无上依公直齋功曹百二十人出
 上清金闕後聖直齋功曹百二十人出
 无上黃元直齋功曹百二十人出
 上清東海青華小童直齋功曹百二十人出
 高上直齋功曹百二十人出
 上清二十四帝統仙直齋功曹百二十人出
 高上直齋玉童百二十人出
 无上直齋百僚功曹百二十人出
 高上直齋玉女百二十人出
 无上丙節直齋功曹百二十人出
 无上直齋僕射百二十人出
 无上直齋都官僕射百二十人出
 无上直齋三官僕射各百二十人出
 无上直齋刺姦僕射百二十人出
 高上直齋都候僕射百二十人出

高上直齋糾察僕射百二十人出
 无爲直齋都統僕射百二十人出
 无爲直齋元靈僕射百二十人出
 上清直齋僕射百二十人出
 无上直齋僕射百二十人出
 太帝直齋僕射百二十人出
 太一直齋僕射百二十人出
 靈寶直齋僕射百二十人出
 天寶直齋僕射百二十人出
 神寶直齋僕射百二十人出
 太一直齋洞章僕射百二十人出
 元父直齋僕射百二十人出
 玄母直齋僕射百二十人出
 黄元直齋僕射百二十人出
 太平直齋僕射百二十人出
 五老直齋僕射百二十人出
 无爲直齋領天百二十曹僕射百二十人出
 无上直齋无先僕射百二十人出
 玉清無上王直齋僕射百二十人出
 元始王直齋僕射百二十人出

无上九天王直齋僕射各百二十人出
 无爲託仙直齋僕射百二十人出
 无上倒地直齋僕射百二十人出
 高上更生直齋僕射百二十人出
 无上大劫直齋僕射百二十人出
 无上黄樂直齋僕射百二十人出
 无上太玄直齋僕射百二十人出
 无上小劫直齋僕射百二十人出
 无上總統謁者直齋僕射百二十人出
 高上破敵直齋僕射百二十人出
 无爲太和直齋僕射百二十人出
 无上六合直齋功曹僕射百二十人出
 无爲勇平直齋功曹僕射百二十人出
 无上承上天直齋功曹僕射百二十人出
 无上伐逆直齋功曹僕射百二十人出
 无爲直齋黄鉞功曹僕射百二十人出
 无上統羽林直齋功曹僕射百二十人出
 鬱單无量天王直齋功曹僕射百二十人出
 上上禪善无量壽天王直齋功曹僕射百二十人出

上監天王直齋功曹僕射百二十人出
 寂然兜術天王直齋功曹僕射百二十人出
 不騷樂天王直齋功曹僕射百二十人出
 應化聲天王直齋功曹僕射百二十人出
 梵寶天王直齋功曹僕射百二十人出
 梵摩表天王直齋功曹僕射百二十人出
 波梨答怒天王直齋功曹僕射百二十人出
 玉清上真王功曹僕射百二十人出
 玉清上真王功曹僕射使者百二十人出
 玉清威上王功曹僕射使者百二十人出
 玉清平天王功曹僕射使者百二十人出
 紫清虛元王功曹僕射使者百二十人出
 紫清虛元王功曹僕射百二十人出
 玉清領仙王功曹僕射使者百二十人出
 玉清寶靈王功曹僕射使者百二十人出
 玉清九幽王功曹僕射使者百二十人出
 皇虛八正王功曹僕射使者百二十人出
 玉清九天王功曹僕射使者百二十人出
 玉清洞變王功曹僕射使者百二十人出

官各佩羽衣未陽之憤九德之冠出

无為揮神兵馬九億萬騎出

无為太始兵馬九億萬騎出

无為太初兵馬九億萬騎出

无為太極兵馬九億萬騎出

无為太素兵馬九億萬騎出

玉清兵馬九億萬騎出

太帝兵馬九億萬騎出

高上兵馬九億萬騎出

紫虛兵馬九億萬騎出

玉晨兵馬九億萬騎出

紫清兵馬九億萬騎出

紫陽兵馬九億萬騎出

三皇兵馬九億萬騎出

五老兵馬九億萬騎出

九老兵馬九億萬騎出

太上兵馬九億萬騎出

无上羅網兵馬九億萬騎出

无極都官僕射兵馬九億萬騎出

无為羽林兵馬九億萬騎出

无上熊罴督賊兵馬九億萬騎出

无上三官僕射兵馬九億萬騎出

无上刺姦僕射兵馬九億萬騎出

无上勇平兵馬九億萬騎出

无為交戰兵馬九億萬騎出

无為王方兵馬九億萬騎出

无靈兵馬九億萬騎出

无為正平兵馬九億萬騎出

无上至平兵馬九億萬騎出

无上順平兵馬九億萬騎出

无上都平兵馬九億萬騎出

无上金剛騎九億萬騎出

清微天兵馬九億萬騎出

太赤天兵馬九億萬騎出

禹餘天兵馬九億萬騎出

梵寶天兵馬九億萬騎出

鬱單无量天兵馬九億萬騎出

化應聲天兵馬九億萬騎出

上監天兵馬九億萬騎出

禪善无量壽天兵馬九億萬騎出

梵摩迦夷天兵馬九億萬騎出

波梨答怒天兵馬九億萬騎出

梵摩天兵馬九億萬騎出

不驕樂天兵馬九億萬騎出

无上九天兵馬九億萬騎出

无上破敵兵馬九億萬騎出

无上伐逆兵馬九億萬騎出

无上刑神兵馬九億萬騎出

无上收神兵馬九億萬騎出

无上八威兵馬九億萬騎出

无上三五交戰收神兵馬九億萬騎出

无上天下力士九億萬騎出

无上天部甲卒九億萬騎出

无上雷公霹靂九億萬騎出

无上風伯雨師九億萬騎出

无上前部驅除大將九億萬騎出

无上後部大將兵馬九億萬騎出

无上虎賁中郎將九億萬騎出

无上黃鉞騎九億萬騎出

无上平天將九億萬騎出

无上利神將九億萬騎出
 无上禪神將九億萬騎出
 无上攝紀將九億萬騎出
 无上依公將九億萬騎出
 无上九天將九億萬騎出
 无上帶甲將兵馬九億萬騎出
 无上破狄將九億萬騎出
 玉清都曆將九億萬騎出
 无上三天將九億萬騎出
 无上八威將九億萬騎出
 无上羽林將九億萬騎出
 无上羅網將九億萬騎出
 无上都官將九億萬騎出
 无上愔天將九億萬騎出
 无上直齋三十六部都尉九億萬騎出
 太清三十六部直君兵馬九億萬騎
 无上三十六部司殺大將九億萬騎出
 无上三十六部直齋校尉九億萬騎出
 无上東九夷君大將兵馬九億萬騎出
 无上南八蠻君大將九億萬騎出

无上西六戎君大將九億萬騎出
 无上北五狄君大將九億萬騎出
 无上中央三秦君大將九億萬騎出
 无上遼高天將九億萬騎出
 无上四十九天王大將九億萬騎出
 无上玉清大將九億萬騎出
 无上大帝直齋大將九億萬騎出
 无上玉晨大將九億萬騎出
 无上三皇大將九億萬騎出
 无上天帝大將九億萬騎出
 无上臨察大將九億萬騎出
 无上玉清二十四太上大帝大將九億萬騎出
 无上混沌根源本始天上地下三十六萬
 方位諸官鄉亭里域真官出
 无上直齋百僚官屬揮神洞玉羽章三皇五
 嶽太一十乘萬騎羅列幽薄屯軍住臣妾等
 前後直齋功曹住立四方直齋使者住立中
 央直齋羽衣使者住立童玉女幹佐小吏黃裳
 羽服冠帶垂纓擊持玉按住立臣前街受口
 中辭語此間某州郡鄉亭里域四面真官注

悉監察使者召直齋監功大將軍前部効功
 後部効殺直齋使者无上三十六部都尉太
 清三十六部真君建節三十六部大將軍建
 節三十六部使者三十六部虎賁中郎將三
 十六部前後僕射三十六部伐逆大將三十
 六部伐姦逆刺三十六部收神大將三十六
 部斬鬼大將周天八極周天君天上地下億
 千萬重諸官君天皇執法吏執法天皇更十
 方安國君十方安樂君十方勸善君十方化
 惡君十方伐逆君更兵士東九夷君南八蠻
 君西六戎君北五狄君中央三秦君天上地
 下三百六十契令諸官君臣等所佩揮神洞
 玉羽章百僚調者使者諸官君仙童玉女擊
 持玉按騰臣等啓事微君所訴啓白丹誠之
 意上詣
 无極太上至尊玉陛下玉几前
 泰玄都正一平炁係天師太一无極金剛畢
 卷三洞法師兼撰執明真人夫人某官道士
 佩揮神洞玉羽章兼治炁祭酒臣妾某等頓
 首死罪死罪稽首再拜上啓

无極太上无為大道无上天玄皇太上上帝玄
妙父母玉晨大道太上玉皇至尊五几前臣
妾等以小醜賤生虫芥之餘謬生天地得見
光明為天所覆為地所載四時所養五行所
長星辰所衛日月所照至於今日千椿一會
得稟无忝恭預仙流銜真握契覩見上玄神
仙妙術不以穢質少好生道棲跡山林斷殺
服餌經諸峰岳吐納雲霞玄思未降不得其
益三尸不滅赤子散亂神枯形悴八達不開
未得聰明智慧才无分表可以酬時宣教无
方愆多功少上負玄都承驕恃慢實有萬沒
但太陽多思育仁无惡天老好生蕩蕩泗汰
惡前福過得至今日臣妾某等頓首死罪死
罪謹以謝聞巨妾某等謀專大法乘涉无為
仰瞻上聖无極天尊仰願百國安樂萬姓齊
生受道之日三官有約助時理烝都督人鬼
攝彈萬靈誅邪伐逆建立福田非道不行非
道不真非道不清非道不濟非道不生救活
百姓子安國以樂民但臣妾某等謹按文書
同義某州郡縣鄉里民男女生祭酒某甲等

奉法多違未貴大化收愆被考疾厄云今日
抱病困篤或經年著林或官繫事云大小王
甲深慮一旦不免長夜迎臣妾等到家所求
請仰謝七玄之根生死罪責亡九世祖某至
亡父某等如干人賫信參詳如別請者伏讀
如按王甲家先亡後死平素之時仕宦為業
籍得傳基或為帝王公侯州牧刺史二千石
郡守令長丞尉或為漢魏臣吏用法失忠或
承嬌凌弱枉剋无辜或不敬天地下不畏
鬼神自作一法不順道教為上不恭或為下
不敬為父不慈或為子不孝為夫不和為婦
不遜或內外嫫亂拾正逐邪廢嫡立庶破國
危邦或辛婢愛妾室家義絕刑危教言更相
呪咀兄弟不和骨肉相害或爭錢財奴婢田
宅更相探打披頭散髮觸悞北君被刑收考
殃連後生亡者鬼神考責在天牢地獄太山
二十四獄不堪苦慘還引生人求以補代致
後世嬰災臣妾等今為王甲請齋仰謝某亡
九祖父下及某亡父甲如干某人生時有如
此眾過无狀之罪下流及生者身懸文在二

十八宿三十六天府九宮玄曹事結積年未
蒙散釋願今直齋百僚千乘為騎攝太山府
君二十四丞獄吏檢問王甲亡父如干某人
事由何曹何事死亡問連速何府問為犯何
神問為以九世問為以八世問為以七世問
為以六世問為以五世問為以四世問為以
祖父母問為以某父母問為是兄弟問為是
中外姑姨伯叔問以甲今身德過問為觸何
神問為犯何鬼一切辟考此間里域真官注
烝木下房廟壇社山川五嶽八神獨按都侯
鈴下功曹主簿河侯橋梁水陸之神河伯
水帝水丞水府恐甲等肉人不悟所犯或比
已歸首未蒙恩福恐或是血食之鬼其不放
遣閉繫甲家大小三魂七魄女子十四鬼致
嬰疾者著牀或經涉年歲或遭羅幽厄性命
莫測若以无辜故吞貪食之神橫相賊害不
畏玄都明處之制者臣妾等齋官百僚太一
三皇揮神洞章无上三十六部都尉九上三
十六部威天大將軍羽林虎賁三十六部中
郎大將金剛三十六部力士九億萬騎九億

萬兵各佩鎧甲以次收治大鬼送付天一北
 獄小鬼即斬若是甲家先亡後死者責不解
 者願以真正之悉隨願解脫械節救赦鬼神
 若以甲身符過所收於今釋散直齋百僚為
 甲家明燈火於九天之上九地之下二十八
 宿隨事考正毀天曹簡書絕地官文墨齋竟
 之後霍然請除則荷大道白骨更生之恩仰
 願威靈使百國從容朝夷鮮卑各保境域時
 節苗稼年年豐熟天下太平人民安樂臣家
 國君陛下上宰公王下及兆庶一切衆生四
 海五嶽學仙道士咸蒙昇度天下男女生官
 祭酒過度厄世陽九百六真得侍聖君臣等
 今執法大化涉山跨壠岩穴為居或鑿出民
 間宣教醫治建功上府或遭凶惡毀慢三寶
 或有害心或違天負義願為改更開悟得見
 上真惡心自更建立福田聰明智慧臣妻等
 三曾五祖七世父母咸蒙昇度萬姓翹首得
 如所願上請監齋百僚一時來下監齋直事
 典香玉童典香玉女小吏使者百僚官屬悉
 贊臣妾等所訴乞垂原赦王甲家千罪萬過

千欺萬責從今以去福生十方禍沒九陰謹
 以啓聞旋行禮拜仰謝
 天尊臣妾某等誠惶誠恐稽首再拜以聞
 臣妾某姓某屬州郡縣
 无極太上无為大道玉陛下尊玉几者
 太歲某年某郡縣鄉里中啓
 右出官啓事似章表之体真人所傳慎勿改
 易至於其中疾厄緩急隨源陳謝簡要去繁也
 出官竟仍行香禮懺一依中下元
 行道畢復如常然後復爐出
 主人辭貴賤不同道士之身民生又異隨宜
 制之大體如左
 辭前條九世祖以下至今近亡者疾大傷死
 年月日時葬送處所知與不知一二狀言連
 辭於後某唐虞夏殷隨代之皇帝王皇太
 子某晉楚齊秦隨封言之公侯伯子男某家
 宰司徒隨位言之某州郡縣牧伯刺史太守
 內史令長相尉細位亦隨時言三洞法師某
 嶽先生某治祭酒某道士如干錄某州郡鄉
 里奉道男女民非天子皇后直云男女民不

須奉道中生弟子三景三洞之神洞玄洞真
 清信三寶十轉隨所受言之臣妾某男受治
 若不受治而受經或不受經而奉却祀皆稱
 臣女位等男皆稱妻妾妻妾降姓氏不同科
 在傳授儀中年如干歲今治自官長以下云
 位亦居君某州郡縣鄉里某宮第府廳館舍
 稽首乞恩辭初有天下者云某樹因曠劫荷
 慶今辰古世以來崇奉大道事俗云先緣罪
 障承事俗神事佛云籍以宿因世奉佛法元
 所事云結業昏蔽不識神明累世一身未有
 崇奉事周孔云世蒙仁義仰慕先王師宗周
 孔祭禮歸誠諫荷玄祐崇顯超昇憑心妙化
 庇命法門已傳世帝者云仰荷玄恩享福隆
 泰亡祖某皇帝某亡父某皇帝某本官學代
 耕出處隨運爵祿相係天祚奄鍾稍卓純冠
 遂流玉璫榮慶超極感佩唯深但供業始興
 奄指萬國太平未達嗣德在今而某思不協
 幾鑿非玄燭億宇難綏百靈易黷直言寂抗
 補來闕闕夏發屢萌夷凶每蠢二儀違和七
 曜乖度水旱不通疾疫疔臻家國多妖喪疔

053 A 271

相仍亡祖某皇帝元功自援寡德期念此憂遣甚履陽火過蒙景福榮爵相仍值某唐火虞土夏金商水周木隨代之精數極某依五次言之德運興者鴻輝得集大福所鍾揖讓者云某皇帝某審歷表歸推祚禪位高讓天下允執委臣臣德輔營屏營頻煩辭避遂不見從干戈者云某皇帝某幸籍先慶叨居宸極倒亂五常毒流四海某酷某暴事云云凶據材虎罪甚匹夫其恭行天罰醜類即夷獄訟者云某詎歌歸其神器彼寄不可久遠以某年月日時應天順民告郊登受躬臨四海親率萬邦皇太子云某以輔薄忝居儲宮生長五濁之中動靜三災之世愆實易積功德難弘攝生寡方常多不念抱病者云某月日時起覺患甚痛毒經旬救治祈請內外備至未蒙痊除先身今生深罪所致久无感効憂慮增危年命厄會殃考所延或受法不修違經破戒欺罔幽顯罰所鍾或秦神不精事道不專雜信魔俗邪氣相纏或爭事俗神烹宰殺害鼓儻妖詛罪疊重沓故氣纏滯

夢想交通或生元所信不敬神明侮弄人鬼輕恣嬰災或先世祖考建創皇基禪受乖正誅戮違經賞罰多濫結怨生殃及改易官廟造立山陵開拓城邑修繕田園起架臺榭穿鑿山池壅遏泉源斷絕道運移徙古塚棄擲尸骸犯天地大禁觸神明衆忌或棄遠聖賢親近愚佞委任內外多非其才弄勢乘權凌侮一切或宵遊夜飲龍魚不分所行暴虐肆惡不悛或詠妄不覺或覺而不迴或迴而重作反覆无常苦酷百姓侵辱萬靈破壞宮觀毀廢精廬盜三寶財假十方號換易陰陽混亂男女淫通毒蟲凌略清貞日月稍深各禍積結難可解釋命在漏間兼比夢寐紛醜先亡相參妖火恠異不可具陳或某月日時聞見某事或某月日夜夢見某物准之前後唯凶无吉自非大道期濟莫因謹至心投命憑仰玄真緝熙百靈矜恤億兆若皇后妃嬪夫人公主諸王皇子帝族侯伯云伉儷宸極參侍帝宮誕生皇家宗連帝室幸藉餘慶冠冕相承或出莅方嶽入參機衡或文司武職厚

爵高官或帶州郡縣尉丞郎開國剖符耀麾仗節侍衛左右主領要辟或道法所委扶救臣弼諫諍直言典攝顧問管記謀略廟算惟籌或卑劇邊遠積戍頻羈水徭陸役使命殊方往反艱辛偵候危險或祿重榮深才不周務或出自卑微叨居寵任內外讒嫉呪咀妄生或智不効官行不毗國撫接哀怨誹謗橫興朝野无援孤介憂危夙夜自強思弘不息而百王餘弊萬品難齊新故多怨遠近吁嗟或陰有仇恨忿恚肆凶邪情俗意要結鬼神強殫魔醜黨扇為笑伺伺伺隙禍在不測或存亡罪疊日月漸深或傍人所誤或自作尅身或專上逼迫造諸惡根或苦使他人生衆凶毒君親知識不相臣諫師徒朋友不戒視成更相連染災害方臻或頻營首謝齋章相仍未蒙感効良由罪深未闕妙術期濟莫因實位既重懼不克堪俯仰兢戰若履冰谷若尊卑有患各隨源詔之日月迅流便積旬朔或即位以來已經某年某月治化多蹇世道未康或无命之帝稱兵某州自號之王播擾

其郡或大盜鼠竊遊蕩山川討捕未洽累月
淹時其將征伐沒陣敗績土地侵削家國日
感或所使某人委道反逆權權輔弼稍生異
心斷截逼追勅詔不行帝族皇宗漸見黜罷
中承近親枉法被刑左右侍衛皆致誅殘酷
虐將兆大亂方成无愆嬰廢因弱淪頽良由
宿罪值此凶辰特絕之祚特乞申延已盡之
算重加增益或自某年月日不雨至今百川
乾竭萬物焦枯或某時兩起霖澍未晴積句
累月逾稔經年日月相犯星宿相侵山崩地
陷霧蒸連綿雨血霄星前後非一或積雪凝
冰大風折木邪人鬼語畫謠炫時奇服異裝
表現災禍橫尸盈路水火屢延朝野糜潰遠
近憂昏飢饉流移盜竊充斥或公卿失禮蒸
庶无法欺罔人神間亂内外或學侶妖託妄
生詭異荒險日劇訓導无方雅頌久寂獄訴
繁興叛道入邪攻伐三尊或竊取經書卷為師
主或假道作妖謀圖不軌幻術惑眾雜糅真
經改易前後空中妄造乖理失宗苟以為是
託真傳行多取信晚或修而不受授而不精

或抑絕賢明附從愚警或新固有志握旌无懷
為邪所惱不知自訟緣途吐怨詰責神明所
學无驗所作不成噴囑自用非貶仙真或所
受符籙三洞寶經神仙秘文王字龍文某篇
其部策傳真圖經荒履亂遭值劫賊寇盜水
火行來遺亡去失蕩盡或失其等幽司刻誦
流遷速今已得受某某等未受雖懷憂懼善
事難諧頻被考罰輻軻備嬰今某甲子乙丑
隨值言之年華建四字悠長或陰陽代序新
故交謝或言節兼并又是本命生日不勝感
慶之情悉候未適疫毒方行疾患者云風勞
虛熱或素苦冷瘧或某年月日散動發癘差
劇進退依源言或夢見前代諸帝傷亡君臣
訟訴稱恣攻擊不已或邪精群魅假託他名
妄作恣家願為讎敵或髣髴現形生諸驚怖
當云開闢以來五德更生往御今天終始无
極明主代興不惟揆此自然之大度是神聖
之常宜但行化合道則卜世克長布政乖理
則鼎遷期促兩善共時運充揖讓一惡徧肆數
動干戈某帝殘忍酷毒簡在帝心内外離絕

自致滅亡其或亡祖其亡父其歷官盡忠慮
所立績靈祇賞義人物感恩某某等戮彼无道
逼見歸崇或與某某等共行明罰克定禍亂命之
所臻諸所廢除出不獲已既傾天還掘地地
更幽顯方協積祥宜隆而夢想妖異邪魅
形聲當由姦鬼妬神妄懷干試自非大道消
之莫因若是魔怨急速降伏若是真與亦宜
即迴以怨報怨惡惡彌甚以德報怨萬福乃
興且古之至人不念舊惡今之神鬼寧懷昔
怨願天誘報惡仇恨念祛紛訟解釋存亡同
權或年命厄會應見凶災神威接救臨危必
濟冥福自授懼不保全若有公私憂危恠夢
驚奔移動去失結願脫齋隨人多少或某年
月日某事因某道士處於某處啟願蒙恩果
遂解了先言或所願雖為不諧蒙至今辰思
愆敢怨昔已發心不敢逋負今設齋供乞丐
後恩若有喪云亡祖某皇帝某亡父某皇帝
某亡伯叔兄弟子姪某某王某亡姊妹某公
主某大臣某位某年月日時崩薨喪逝銜哀
悔咎无所逮及神輝无反餽焉有歸世多憂

虞悅從權制某年月日時開建山陵某月日
時卜定永畢追號永慕日深日酷未知亡某
鬼神之適何道今三七虞祥周忌之日不勝
增感之至憑道乞恩伏聞大道妙法自然清
齋功重福深濟度允量謹伏齋值奉辭以聞
伏願法師道士行道請福乞恩懺悔首謝乞
原恕凡庸不及之愆蕩汰新故積殃之禍拔
度九玄父母七廟之靈亡某等中外眷屬公
侯五廟今大夫以下无廟並得云七祖父母
一切先亡同離地獄俱登天堂受鍊更生業
昇漏盡與道齊真利祐現在使陵非天冢皆
云墳墓安穩殃注斷絕官第庶姓普云宅舍
請福災害不兆兵戎靜息上下和睦上願太
上皇太后某御膳萬福六宮咸康大小
王公中外妃主朝野遠近皆蒙安寧二儀交
泰七曜調明四海靜波九谷豐盈夷虜弭伏
敵國歸降冤家債主迴相和親或其州其人
作逆速摧姦賊時滅寇盜永除文倫軌六合
清和兆民懽樂天下太平无極世界種種衆
生已生未生咸得成就免度憂苦解脫逍遙

其經春海夏復歷秋冬常保貞吉所苦速差
或願其事必蒙諸果憂患消除風降威智
慧洞達天祚延長十方善神保身護命三界
官屬納吉讓由使人神協祐體相金剛久壽
必驗與善有徵公王以下皆不得言天祚可
言福公侯以下悉云年壽又宜云奉上接下
內外懽心誹謗不起爵祿超昇學業成就功
行光隆行來出入四道開通規圖果願所向
從心長少進退財產滋張工術明驗子嗣繁
昌道化日新一切荷賴蒙如所請仰荷
大道周極之恩謹辭

太歲某月日

奉受經戒者辭用師實行事本自天子至于
庶人依擬消息之已身自表玄受經圖辭體
如行軍法其中損益隨而言之凡為人自為
傳授奏聞用前大出官皆依後立成如左
向北鳴鼓三十六通
臣妾姓名身中四支五體三十九戶上真靈
官左右飛仙玉虛侍郎五帝五色元皇太真
飛龍功曹神仙使者各三十六人出玉虛侍

即執飛仙羽節九色耀天之麾五帝五色元
皇太真手執五帝命魔靈幡飛龍功曹冠帶
羽衣金真鳳章神使使者交絡七元擎持玉
按對立臣妾等前銜受口中秘言乘金根紫
蓋丹轅瓊輿飛雲之輪從金仙玉童太華玉
女各十二人左右龍虎騰天羽騎各二十四
萬眾齋出嚴莊帝席官鳳衣玉童玉女中元
宮玄元玉童紫衣玉女網神官鳳衣玉童綉
衣玉女各九人出上尊官朱衣玉童羽衣玉
女真元宮錦衣玉童鳳衣玉女紀明官丹錦
衣玉童玉女各九人出太上官羽衣玉童錦
衣玉女紐幽官雲錦衣玉童丹錦衣玉女關
會官飛錦衣玉童羅衣玉女各九人出无為
左右功曹揮神太初功曹太極功曹高上玉
童玉女各十二人出无上僕射太玄使者各
十二人出揮神兵馬三十六都都尉各九億
萬騎出三界内外土地真官並顯服羅列住
左右前後停虛立空各當所職玉童玉女通
真使者飛行紫虛上登九天峻嶒瓊房金輝
玉殿紫蘭之内上啓无極无窮至上洞真九

玄元父太虛玄母元始天王高上玉虛三十
 九帝二十四真高聖王晨太上大道君四司
 五帝无極天尊悉係自然玄都元皇大洞三
 景弟子小兆真人臣妾因緣有幸得生法門
 或生值玄化叨質高上九天寶經好道樂真
 願獲神仙啓玄告稽密習修行法當開度同
 志賢人今有男女道士姓名參辭執信求受
 洞真投誠謙款久彌堅推之玄科不容抑閉
 謹尋青宮上經三百卷寶訣三千條下仙小
 學非所宜參上仙真聖錄字青宮隨緣稍得
 獲者希龜山島母西域總真代代出化或少
 或多獨立偶官隱顯各異按其所受因緣未
 備次第并年首軸乖離文字訛謬旨訣參差
 即年累記修行無驗亦由宿植尚微今功未
 重雖受名目未觀文圖或得文圖而无要訣
 或謬詢无所感告玄未通既未能專又不能博
 徒拘日月期効寂端夙夜憂勤道慮增咎今
 求更受治寫本文隨次遵行永為身寶心言
 且旦理在可矜臣妾以凡下質乖高上誤以
 悖悖之識叨攬龍鳳之章恭藉餘慶之榮陶

染大乘之法錄傳玄授遇師曲躬叩前後所
 得內外要文真言妙旨不死之方神符寶圖
 長生之術篇部筌蹄古今略備四兼濟無窮
 欣荷无量但事重身輕已歷某紀呂年造知
 命呂業行未超沉淪濁世與俗不殊空競專
 經未能出類常恐老及悚愧屏營宣泄之禁
 既嚴杜絕之罪又重俯仰驚惶甚履水谷臣
 妾與某同值季運玄化凌夷公私屯窘有志
 未申俱慕至真共嬰宿障雖立誓无退而昇
 進靡階踴景灼心實忘寢食過蒙玄恩得見
 今辰方整丹衷庶遂本願臣妾既緣會先獲
 寶文乃慙精懇諒不敢懈甚今厲操不怠不
 休冀果靈降感通必明某繕寫洞真十有三
 扶正部一百二十五卷別部三帙又二十五
 卷文字粗畢參校未周符圖名諱尚未曉究
 日月易流福業難進仰希良辰啓告皇極乞
 隨意奉行餘者續就伏願
 玄上大慈垂哀班下所由勅勒三界四司五
 帝內外真官與紫殿青宮侍經典圖直符直
 事神童玉女土地歲月日時靈祇一切善神

同賜鑒照衛護臣妾及某為解釋先世今世
 先身今身宿新愆愆悉皆蕩除原罪降福布
 正禳邪消凶納吉却死來生悉真神入某
 身中使衆魔不敢干諸災不得犯今修習宿
 驗通真達靈洞了一切逆知是非度身濟物
 功德巍巍臣妾无妄傳之尤四某免負違之
 咎同昇帝庭如如今所請謹共清嚴以某月
 日於某處依上元法對齋啓聞朝禮事竟今
 拜朱表一通請九天高上領仙侍郎監靈大
 夫飛龍騎吏印寫所奏狀言如素逕御无極
 玉虛上帝几前臣妾謹讀表文某伏地恭對
 如法表前條信次辭次經目都授者不須目
 仍次表也
 表用八靈本讀單操文如左
 臣重勅身中四肢五體上靈真官飛龍功曹
 神仙使者各十二人操臣謹為男女道士姓名拜
 上投度洞真經部一百二十五卷朱表一通
 逕詣无極玉虛皇帝几前隨表進對分別朱
 紫若文字脫誤言辭顛倒即為正定如悉上
 昇无今上官有所譴却當使所請時謹所願

即果若有強魔妄來干御九天騎吏登收攝
治罪臣妾閉炁按下伏須報應操竟仍此向
經按上執經弟子於左叩擊如法信師叩齒
三十六下存太上玉皇今日月之光使照經
師徒之身呪曰太微何眇選真人結虛空空
律自然道集為大洞經真賢奉法信乘運歷
黃庭太山削死籍司命書仙名保秘年劫積
泄慢地獄嬰考及七世祖風刀解汝形畢弟
子三拜受經
經自在科付總經下者齋朝醮儀趣一剔足
付經竟復官如法左
臣拜表授經四事竟向所出身臣四肢五體
上靈真官左右飛仙玉虛侍郎五帝官屬一
切神明各還臣妾身中從衆妙之門而入在
左還左在右還右飛龍功曹主相領押各復
宮府元令差平備衛臣妾身永元越逸須後
召奉行一如故事
復官畢復爐如常
復爐畢詠出如常
出後閉室殿壇如常

師施散信物如常
弟子三日謝恩如常

同學修齋法信訣第十七

凡有同學遇災被厄疾病官口飛橫之害皆
同得修中元之法當費香油為信告齋主隨
其情事列奏高虛也

同學者同師也師玄師者同習上法即同學也
凡此之流未成真聖皆有災否宜立齋所請
為客自營為主主人施散以廣功德貧富墨
堪不可乖法法使稱心不限多少豐者不奢
儉者不陋内外形神无有悔吝如此冥會幸
福无央也

應齋旨訣第十八

凡學法亦齋金丹亦齋入山亦齋傳經亦齋
八節亦齋甲子庚申太歲之日本命亦齋富
貴亦齋貧窮亦齋有樂亦齋有憂亦齋疾病
亦齋官口亦齋有厄亦齋有災禍亦齋國不
寧亦齋師有憂亦齋師有厄亦齋因盟有憂
亦齋諸如此等其功至重若能常修此法三
年克得真人下降但依常修行九年感靈能

乘空飛行其道秘重慎勿妄宣

凡受經之後修齋為急救濟身唯此為務
若自為人冠日已建忽有非意皆是罪深人
鬼相惱破壞善事不得怨對但堅正心小則
奉道懺悔愆咎告洗誠以祈玄祐大則啓告
解齋散座須災厄度別更建之其間存思悔
欲乞恩念不絕必荷哀原建之无礙米永
勿休日日精進得道有期也

登齋法訣第十九

登齋之日當選高稱通靈釋微才智慧朗之
人高座講說法義次者和之同齋皆靜座開
聽伏度法化不得慢略外形託齋內懷異念
虧忽天格為司空所糾罰以五帝神兵移名
北鄴不得又登齋堂

登齋之日男女之人當以學業深淺決之容
與雅步旋香禮願每令如法坐起卧息不得
混雜更相調戲无有尊卑為諸天所誦鬼神
所慢犯者司官所糾罰以五帝神兵移名北
鄴不得又登齋堂

凡同學德高年大受法多而久者當為法師

若受多年大不開法事勿為齋主若明解高德羸老不堪為主猶為座首次者行事少而有才德衆所推者可為法師慎勿爭高犯者減身衆雖不及於已而不肯推之推之不惟或偽相讓宜宜急避託疾事辭全身遠害不可冒干冒干致災彼此陷禍矣明各慎之

三元名品其數不同上九中六下三日也若長齋一月之中歷修三元皆營其上上元元恩神合藥中元解身所犯下元下元拔度七祖能行九真明科贖先世及己身九條罪者可修三年之齋用三元啟謝營九條之法遵三元之事十餘日中不可不存神存神不可不合藥不可不解已所犯解已所犯不可不拔度先人不拔度先人則已罪不釋已罪不釋則合藥不成成不可服服更致凶致凶之藥亂於存神既亂无道可冀是以為上學者急遵三元三元相須如油主火偏則不明无以延慈志士悟此仙真必成矣

受齋儀盟信訣第二十
玄都上宮真人皆以月上旬修上元中旬修

中元下旬修下元况於世學而不知修三元之道空思玄微真豈為降徒勞動事求仙速也若有志心當依盟齋錄之繪三十尺金錄九雙詣師告誓啓度真文修之九年克得飛行上登玉清之宮輕泄寶文七祖充責已

身亡命不得又仙上學之人得經便齋齋有科儀法別請受若師與都表則傳偏有所參宜的辨信依按此文詣師啓度對齋書治表奏如上不可妄行求福得罪矣

上學受科必緣明師視之如親實尊師如父上聖真仙皆號師為師父女師稱師母師之師即祖師師祖師師即曾師高遠極道道應元窮故不事存也而三炁輪迴終是一炁三師之尊亦同一尊引常行事皆存一師是所授經師也若非常之請皆存三師師有隱論不出姓諱或師玄師皆不得存若已自師玄師則存二重而已存師諱心精思慮到久久見之了然相對雖是凡師神人代降必授口訣速得成真慎勿謾昧忽略忽不能感通更致魔試也

行齋法訣第二十一
凡行妙化當立館宇山世華素豐儉隨時弟子來學師勿往教道輕來學又重善心束修躬詣師門通名拜謁形神盡恭請法受真祈恩救厄皆辦齋具誥師施行不得猜疑猶豫致考也

凡天子王侯至于庶人富有堂室內外精潔男女不雜清濁不參行道之師山林之士因緣難出遇有善人欲受經戒可留其居嚴加別淨堂壇也若是世師有佳壇堂不得妄遊履歷餘處矣

凡學士之家專卑內外咸同受法居止清淨自有堂壇與館治无異如此延請師友不拘常例也凡有善心大小不同當相化喻必令齊一如其不迴父子隔異兄弟孫姪夫妻致

珠皆是愆深前身罪障非可如何可得名從所好公求作異无相聽順強則忿恨憤激相加罪更深重微善不申申之可密密則相逃逃避不使相德不可竊盜財物師知之不禁同受風刀之考不知乃无重罪尚有不明之

尤退仙一階亦不輕矣

晝夜動止訣第二十二

凡受上法飛行為高出三界外遊宴至赤昇九
玄上應感諸方如此之後无累无憂初學未
能出眾憂累前後相仍頓免既難稍除實易
當思日損損之又損之晝夜无異動止不同
晝動夜止止逸動勞勞逸二事身神一焉能
存心神念念不忘晝動不勞夜止不逸不逸
者勿貪久卧申體放形散鬼入夢寤驚紛如
此精昏出入恍惚施為謬誤所作不成急當
思神密咒誦經疲則少息微寐則起起倦又
息躄側屈身无縱五形勿致久孰常能如此
不逸不勞无勞者勿競嗜欲之多則未解上
忤下恣肆情人神所弃災患所聚居安招危
在成致敗急宜存道守一尋玄燒香誦誡建
齋行德故度一切寡欲少私輕財重義崇習
无為為无為動不勞不逸身神成一
此身神白日登晨也

之宮商境之典廢時之否昌去憂就樂即吉
避凶不精於此者非上學之方矣

洞真太上太霄琅書卷之六

正一天師清微弟子 洪百堅 製作
道教學術資訊網站

洞真太上太霄琅書卷之七

習學禁忌

晦半誦戒訣第二十三

夫學道須戒如度水須舟舟不可使穿漏戒
不可令遺忘忘戒而行善惡不覺或以善為
惡止而不行或以惡為善行而不止是以聖
師傳訣在戒諸憶分明持之无犯犯即知悟
悟即悔之改往修來全則入道受經皆先受
戒戒或備在經中或別卷軸或口相傳悉應誦
之心口通利未能遍誦諸其急者文之多少
隨師所傳初受之後七日清齋晝夜讀之趣
令上口若間帶好忘二七三七一一月百日必
使分明自此以後一月再誦月十五日陰極
將虧月盡之日陰滅方生陰炁主惡惡緣陰
與所以其夜並加清嚴獨及有信人定登堂
燒香同靜靜竟誦之衆少則更誦衆多則俱
誦誦法心口相知不須高明先當禁斷勿使
竊聽竊聽罪深明宣告語登高座者初後皆
禮存如讀經忌誤則重濕流利則思行行不
全者至心禮懺首寫前後所犯所忘懃愧悚